

SAMOA

**TULAFONO FAATONUTONU O FAALAPOTOPOTOGA
A LE MALO (SUI FAATUTU I FAIGA PALOTA) 2015**

Faatulagaina o Aiaiga

1. Igoa puupuu ma le amataga
2. Faamavaega mo sui faatutu i faiga palota

E TUSA AI ma le fuaiupu 32 o le Tulafono o Faalapotopotoga a le Malo (Faatinoga o Galuega ma le mafai ona tali atu) 2001, **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta, **UA OU FAIA AI** o Tulafono Faatonutonu nei:

FAIA i lenei aso 2 o Tesema 2015.

sainia: (Tui Atua Tupua Tamasese Efi)
OLE AO O LE MALO

TULAFONO FAATONUTONU

1. Igoa puupuu ma le amataga - E mafai ona taua nei Tulafono Faatonutonu o Tulafono Faatonutonu o Faalapotopotoga a le Malo (Sui Faatutu i Faiga Palota) 2015, ma e amata faamamaluina i le aso e sainia ai e Le Ao o le Malo.

2. Faamavaega mo sui faatutu i faiga palota-(1) Mo le faamoemoe o le fuaiupu 8 o le Tulafono o Faiga Palota 1963, e ao i se tagata faigaluega o se faalapotopotoga a le Malo ona faamavae mai lana galuega, e ala i le tuuina atu o se faasilasilaga a itiiti mai e tolu (3) masina, a o lumanai ai le faamutaina o le vaitaimi o le Paeaiga a le Palemene.

(2) I totonu o lenei tulafono faatonutonu, “tagata faigaluega”:

(a) e aofia ai le ofisa sili o pulega (i le a lava le igoa o taua ai) po o se faatonu po o se sui auai o le komiti faatino o se faalapotopotoga a le Malo; peitai

(b) e lē aofia ai se tagata faigaluega, faatonu po o se sui auai, o ia lea o lo o avea i le taimi nei ma -

(i) se Sui Usufono o le Palemene (e aofia ai se Minisita); po o

(ii) se Ofisa Sili o Pulega o se Matagaluega o ia lea o se Faatonu po o se sui auai o le komiti faatino a se faalapotopotoga a le Malo.

Tuuina atu i lalo o le pule faataga a le Tulafono o Tulafono Faatonutonu 1953.

Aso e amata faamamaluina ai: 2 Tesema 2015

O nei Tulafono Faatonutonu o lo o faafoeina e le Matagaluega o Galuega Tau Alamanuia ma Atinae a le Malo.

O ata o nei Tulafono Faatonutonu o lo o mafai ona faatauina atu, mai le Ofisa o le Failautusi o le Fono Aoa o Faitulafono.

**Lolomiina e le Failautusi o le Fono Aoa o Faitulafono,
i le pule a le Fono Aoa o Faitulafono.**